



PAMFLET

822













*Wonderlicke nieuwe tijdinghe.*

# Een warachtich verhael

vande schrickelicke teecken en gheschiet den  
den leuensten Augusti M. D. LXXXIII.  
lestleden inde Stadt van Gendt/In Graef-  
schap van Vlaenderen.



Eerst

Ghedrukt tot Alckmaer by Joost Willemisz. Duyt/  
daer na tot Amsterdam by Nicolaes Hollings/  
Ende nu by Peeter Verhaghen/woon-  
nende in de Druckerij/  
Anno 1587.



822

16



## Vermaninghe tot den Leser.

**A**lle de ghene die dit sien oft hoozen lesen / sullen dit niet onghemerct laten voorby gaen / so salt een yder voor een waerschouwinghe dienen / om van alle sonden en boosheden af te staen / ende hen tot God te bekeeren. Dewijle de Historien betuyghen dat de onghewoonlike teecken en die inde lucht gesien worden / niet te vergeefs gheschieden / maer voorboden zijn van straffen / met welke God de mensche dreycht te straffen om de verachtinge zijns woorts / en andere sonden en boosheden die alle dage grootelick gheschieden: Want God heeft dit gebuyck / dat hy de werelt om haerder sonden wille niet door zijn woort / en vercondinge van dien: maer ooc door teecken en en wonderwercke tot boete ende beteringhe des leuens roept ende noodicht: gelijk aen zijn volck en de stadt van Jerusalem te mercken is: want doen de Joden alle waerschouwinghe Christi en zijner Apostelen verachteten ende inden wint sloegen / soo heeft hy haer ooc gepredict door wonderlike teecken en / en liet grote aertbeuinge / winden ende onghewoonlike duyfsteruic der Sönnen gheschieden: Waer als sy nu in hare sonden ende verachtinge zijns woorts moetwillich voortgingen / so heeft onder ander schrickelike teecken en / een Comeet inde gedaente van een Sweert een gheheel Jaer ouer de stadt ghestaen.

Daer na is de stadt belegghert ende vande byanden inghenomen / den Tempel verbrant ende verwoestet / ende ooc dat volck met duyfenden / benessens ander ontallick iammer ende elende / doort sweert / honger ende pestilentie is omghebracht ende gestoruen / ende de andere zijn in allen landen verstroyt ghe worden / ende alsoo is alle de gantsche Joodtsche policie vernallen. Waerom een yegelick hem behoort van herten tot Godt te bekeeren / hem inden Name Jesu Christi biddende / dat hy ons arme menschen / op welke het eynde der werelt ghecomen is / niet en straffe in zijnen toorne / ende alle zijn gramschap niet ouer ons wotstorte / maer ons Vaderlike ende met mate castijde / Amen.

**C** En





# Een warachtich verhael

vande schrickelicke teecken en gheschiet binnen de stadt van Gendt.



**I**n t Jaer ons **H E E R E** **A**en salich makers Jesu Christi duyfent vijf hondert ende seuenentachtentich / op den seuensten dach van Augusti / soo ist gheschiedt door het beuel des Princen van Parma / ende is ghepubliceert in alle de Steden van des vyandts Landen / om te houden een Processie ghenerael om te beter victorie te bechten oft te ghekrughen voor der Sluyss / maer der Godloosen ghebeden en is voor Godt niet aenghe-naem / want sy daghelijck groote Afgoderije bedrijven daerom datse den **H E E R E** daghelijck is straffende / ghelijck het is gebleken binnen der stadt van Gendt op den seuensten Augusti voornoemt / soo hebben sy een groote Processie ghenerael ghehouden / ende zijn soo ront om die Stadt ghelopen met haren Afgod oft Sancte / die sy ghedragen hebben / ende zijn ten laetsten ghecomen tot by de Kercke / daer hebben sy groote Afgoderije bedreuen / soo dat de Jesuwitsche Papen wt groote toouerijen / hebben haer seluen inden liue met messen gheppickelt ofte ghesteken / ghedanst / ghespronghen / ende al om haren Afgodt / die haerlieden doch niet helpen en conde.

**A**lsult ghy hooren lieue Leser / hoe dat haer blijfchap niet langhe en duerde / maer is in droefheyt berandert / Och wat een groot **G O D T** is hy diet al regeert / wat sachmen daer voor een wonder teecken gheschieden ? Een groote

A ij

Doncker



doncker wolcke bedeckten de gheheele Stadt met duyſter-  
heyt omtrent een half ure ghedurende : Doen ſcheurde de  
wolcke met alſulcken kracht vanden anderen / ende gaf een  
alſulcken grooten afgrijselicken donderſlach vander locht  
af nederwaerts/ſoo datter van Baals dienaers door Godts  
handt doodt gheſlaghen zijn omtrent ſeven hondert. Noch  
heeft de doncker wolcke van haer gheworpen hagelſteenen  
grooter dan Ganſen Eyeren / de welcke oock groote ſchade  
dede onder Menſchen ende Beeſten.

Doch machmen hier wt wel claerlicken bemercken/dat  
God de H E E R E de Babyloniſche Afgoderije nu is ſtraf-  
fende met menigherhande plaghen/miet grouwelicke  
teeckenē/miet ſware benautheden ende dieren  
tijdt/ende met meer ander plaghen  
die hier te lanck ſouden  
weſen om te ver-  
halen.

### Carmina.

**N**och hebben ſy/ hoorz mijn ghewaghen  
Spels-wijs hebben ſy voorts gheſtelt/  
Een grouwelick ſtuck ſonder bertsaghen  
Der Sluys ghewonnen met ghewelt/  
Den Prins van Parmen ſeer ontſtelt  
Dede ſpelen hoorz mijn vermonden  
Binnen Gendt der ſtadt voorszwaer/  
Soo veel Soldaten tot dier ſtonden  
Heeft hy ghelaten int openbaer/  
By de vier-duyſent oft daer omtrent/  
Dit was voorsz hem een groot elent  
Soo mach men mercken dat Godt preſent/  
Den Godtloofen laet int benouwen  
Ghelijckmen mach mercken binnen Gendt.  
In trouwen.

*Bone Michy, B. M. B.*





